

Onisiny 9

1. Waa`g ur ubaa les hujichle tagniyeka he beesete?

-Ii, he beesete.

2. Waa`g hujchle bar lulle ali ma kokonyalla hate yie?

-Keyieka, Waa`g `daa giri wol ma soromnya.

-Waa`g hujichle hai tagniny ma yeget hi ali kokowa hi uroka mana.

3. Waa`g hujichle tagnaniyoka Satan ubaa arjanle hi ali kokowa he uro?

-He ma uriny.

4. Aale Waa`g kulich tiiya `daa mare hef `gisate?

-Keyieka, Waa`g hele tab`doteka lulle tagniye `daa giri mi beeteka.

5. Waa`g he lulle ram mia taganiye?

-Ram le takama.

6. Erkob ir manayeka Waa`g les bie mare shigiche?

-Waa`g les biele mi shigiyoka bie les ger gaa fefenka mi shigiya.

7. Waa`g `diiyele tagniyeka menyle hate yie?

-Eden, gaali yiedhe.

8. Waa`g Eden mai tagniye?

-Adam.

9. Waa`g Adam `diiyele tagniyela `daa mare?

-Keyieka, `daa giri Waa`g Adam sum giela.

10. Waa`g Adam `diiyele hate die ma heesenal?

-Keyieka, Adam `daa giri Waa`g tagniyeka, mi hele.

11. Waa`g gaalat lulle `daa giri tagniyeka gaalat lulle he maya?

-Gaalat lulle Waa`g hele.

12. Eden hurte `guor erkob Waa`g `diteka menyle hate yie?

-`Guor sidha.

13. Waa`g Eden hurte `guor sidha gaa `ditela `daa mare?

-Waa`g Adam `guor sidha kokuoka `jig biyo yedianka he fe`de.

14. Eden hurte `guor hi naamaka Waa`g `diteka menyle hate yie?

-`Guor `daalim midhabka ubaa `daalim `deewka.

15. `Guor `daalim midhabka ubaa `daalim `deewka Waa`g Adam meete ki mu`de?

-Waa`g Adam ha kony, chie, mu`de.

16. Adam `guor `daalim midhabka ubaa `daalim `deewka koyka hate `deeme?

-Adam hai kufuma.

17. Kufach meete?

-Kufach erkoba Waa`g wol in eiy ka sedhe.

-Kufach naamaka sidh gon wol in eiy ka seeme.

-Kufach sedeka Waa`g wol in eiy ka seeme `jig biyo `jiet basieta hai ki `jeme.

-Waa`g Adam tagniyeka, waasela, Waa`g meete chie, ba ki toyo.

Erkob 2:18

18-Aaleka Yoowa Waa`g kieye, Maa yab takamle he ma midhanany. Maa mu hujich ki chichirat, mu wol ki midhabka, tagayunana, chie.

-Adam takamle ali ijoka Waa`g hi ma fe`diny.

-Waa`g Adam min tagnaniyoka mu`de.

-Waa`g Adam fe`ditle he ma heesen.

-Waa`g takamle Adam min tagnaniyoka mu`de.

-Waa`g Adam min tagnaniyoka mu`dela `daa mare?

-Keyieka, Waa`g Adam sum gielka.

-Keyieka, Waa`g Adam takamle ali ijoka he ma fe`diny.

Erkob 2:19-20a

19-Aale Yoowa Waa`g kimir ubaa aany, ta bine lulle he eed taganiyeka Adam shuu du chie, giri aany, bine ubaa kimir metle mui shiguoka mamalloka. Aale Adam he lulle Waa`g hi shuu `du chieka met shie.

20-Adam aany, ubaa kimir, ta bine lulle met shie,

-Erkob Waa`g les lulle kansimle Adam shiche.

-Erkob Waa`g bine lulle kansim Adam shiche.

-Waa`g Adam bine lulle met shiguwoka heesete.

-Adam bine lulle met shie.

-`Dee in keyieka, Adam takamle les gaa ije.

Erkob 2:20b

20-Kor mu hatle he maa hi hujich ki chichirat, wol ki midhabka ma arginy.

-Waa`g gaalat ubaa bine tagnaniyeka hi wol ki eg?

-He muniny.

-Waa`g gaalat ubaa bine hate wol ma ki eginya tagmaniny?

-Waa`g bine hat mi in ki eg tagmaniny.

-Waa`g gaalat takama hat mi in ki ega tagniye.

-Gaalat Waa`g kimisetka he uro, bine iin Waa`g kimisetka hi ma uriny.

-Gaalat Waa`g gelnetka he uro, bine iin Waa`g gelnetka hi ma uriny.

-Gaalat Waa`g chichiretka he uro, bine iin Waa`g chichiretka hi ma uriny.

-Adam `dee tigid ta`b`dodheka bine iin `dee mi wol `gar ta`b`dodotka mi hegesetka he uro?

-He ma uriny.

-Adam geri gaa medheka bine geri `gaa medheka he uro?

-He ma uniny.

-Adam heesen `guoka bine mi hegesetka he uro?

-He ma uriny.

-Bine ubaa Adam shele hi wol midhab?

-He muniny.

-Adam shelechle wol gedyoka he fe`do.

-Waa`g `daa giri Adam giela Waa`g min tagnaniyuwa mu`de.

-Adam takamle wol min tagnanuwoka he uro?
-He ma uriny.

-Satan ubaa arjanle Adam min tagnanuwoka he uro?
-He ma uriny.

-Adam mai min tagnanew hi uroka maya?
-Waa`g takama.

-Kulich tigide Waa`g Adam min tagniye.

Erkob 2:21-22

21-Aaleka Yoowa Waa`g Adam ram ilishka me ki koyye. Mu rafeka, dhirle dhir tikid Waa`g hi ka siliche. Al kinaal Waa`g hi af saalle.

22-Aale Yoowa Waa`g dhir girika maa `diet taganiye, mu Adam `duga eyye.

-Adam mai min tagniye he uroka Waa`g takama.

-Waa`g fargoginle he ma ka bebeny.

-Waa`g he tagnaniyo he ma urinyka he man.

-Erkob Waa`g maa`diet tagnaniyeka Adam halela shiche.

-Mu tigide shicho midhabka shieka shicho kinaalla ha`dabana hai chirata?

-Ii.

-Mu tigide hi se shieka se kinaalla ha`dabana hai chirata?

-Ii.

-Mu tigide hi mul shieka mul kinaalla ha`dabana hai chirata?

-Ii.

-Erkob Waa`g maa`diet tagniyeka Adam halela shiche.

-Adam minle ha`dabana wowoyoka Waa`g hi fe`de.

-Waa`g Adam minle ha`dabana gelneta Waa`g hi fe`de.

-Waa`g Adam min shicheka he wogotia, eba ki toyo.

Erkob 2:23-24

23-Aale Adam kieye, Heella lefit lefchu, ubaa so sochu. Mu menyle maa`diet, `daa giri mu he maa yab ye gaa `dieka, mui yie.

24-`Daa kinaalla `dugaka in maa yab `jaalle ubaa `jielle hadia, minle wol chida, gaal hulaalle tigid yedhe.

-Waa`g maa`diet maa yab taganiyela hi wol shunat.

-Waa`g maa`diet maa yab taganiyela hi wol af yedio.

-Waa`g maa`diet maa yab taganiyela hi wol gar `dalo.

-Waa`g he lulle tagniyeka he midhaba.

-Waa`g he lulle tagniyeka he saasmana.

-Keyieka, Waa`g he midhaba ubaa he saasmana takama.

-Waa`g he `deewka tab`do`doteka he ma uriny.

-Waa`g he `deewka wogotuwa he ma uriny.

-Waa`g he `deewka tagnanuwa he ma uriny.

-Adam shicho midhaba min eedheka gera hi `gaa medhe?

-Ii.

-Adam ha`dabana ger hi gaa medhe.

-Adam minle menyle hate yie?

-Adam minle menyle Hewan.

Erkob 2:25

25-Aale Adam ubaa minle hulaalle he geleem manay,
he kern ma `gi`gin.

-Erkob Adam he kern hi ma `gi`gin.

-Erkob Hewan ubaa he kern hi ma `gi`gin.

-Erkob Waa`g Adam ubaa Hewan hat saasman mi tagniye.

-Erkob Adam ubaa Hewan he `deewka he mog.

-Erkoba Adam ubaa Hewan he Waa`g wol af ije ha`dabana ger gaa memet.